



帝京景物畧

卷之七

西山下

西堤

功德寺

玉泉山

甕山

戒壇



潭柘寺

雀兒菴

仰山

滴水巖

百花陀

帝京景物畧

卷之七

遂安方逢年——定

麻城劉侗

宛平于奕正

修

西堤

水從高粱橋而又西、縈縈入乎偶然之中、岸偶濶、
狹、而面以濶、以狹、水底偶平、不平、而聲以鳴、不鳴、
偶值數行柳垂之、傍極樂真覺諸寺臨之、前廣源
閘節之、上麥莊橋越之、而以態寫、以疎密致、以明

暗通過橋、水亦已深、偶得瀆衍、遂湖焉、界之長堤、湖在堤南、堤則北、稻田豆場在堤北、堤則南、曰西堤者、城西堤也、堤官堤、人無敢亭、無敢舫、無敢漁、荷年年盛、一湖無敢采采、凡荷藕惡石及水、芋惡泥、蓴惡流水、花葉惡水而樂日、故水太深以流、泥太深淺者、不能花也、西堤望湖、不花者數段耳、荷花時卽葉時、花香其紅、葉香其綠、香皆以其粉、荷風姿而雨韻、姿在風、羽紅搖搖、扇白翩翩、韻在雨。

粉歷歷、碧瑋瑋、珠濺合、合而傾、荷朶時筆植、而花好偃仰、花頭每重、柄每弱、蓋每傍擠之、菱砌茨鋪、簪之、蕙、菇、鷺、步、鷓、投、浮、鷺、沒、鳧、則感荷而愁魚矣、堤行八九里、龍王廟、廟之傍、黑龍潭、隔湖一堤、而各爲水、又行一里、堤始尾、湖始瀕、荷香始回、右顧村百家、上青龍橋、卽玉泉山下也、萬曆十六年、上謁、陵還、幸湖、御龍舟、先期、水衡于下流、閘水、水平堤、內侍潛繫巨魚水中、處處識之、則奏舉網。

紫鱗銀刀。潑刺水面。上顏喜。

仁和王英西湖○雨餘鳧鴈滿晴莎。風動寒香散
芰荷。曾見牙樯牽錦纜。遙瞻翠葆渡銀河。秋光
淼淼連天似。山勢層層到岸多。好是斜陽湖上
景。蓮花。蓮葉。繡回波。

蕊谿姚涑初夏西湖候 駕○烟開楊柳度回塘。
如鵲如虹欲架梁。鷺北鴛南原一渚。蘆長蒲短。
自爲鄉。龍舟彩色來西苑。寶刹鐘聲出上方。紀

瑞詞臣慚肆夏。薰風先蹕湧雲章。

靖江朱正初湖上○長堤曲曲石磷磷。柳色參差
接望春。烟鎖禁中疑作雨。風過湖上不生塵。翠
分懸瀑穿雲白。綠盡平蕪入漲新。隨處青旗能
醉客。客身十載此沉淪。

長洲文徵明西湖○春湖落日水拖藍。天影樓臺
上下涵。十里青山行畫裏。雙飛白鳥似江南。思
家忽動扁舟興。顧影深懷短綬慚。不盡平生淹

戀意綠陰深處更停驂

綏德馬汝驥行經西湖○西湖 宣皇跡輦道依然行岸夾芰荷密波搖松檜明日朱合璇蓋雲綵揚丹旌巖壑留王氣樓臺表神營周巡車馬徧夏豫歌頌成寂寂龍歸久鴝鷓徒爾鳴

西湖曲○宣皇畫舸戲湖中鼉鼓鸞簫震碧空何似漢家汾水上擢歌搖落歎秋風○湖上青春一鷺飛湖中白浪幾龍歸侍臣翻藻憐歌席

宮女穿荷憶舞衣○珠林翠閣倚長湖倒映西山入畫圖若得輕舟泛明月風流還似剡溪無

○浮沉千嶼蔽千峰迴合花臺樹萬松落日平波懸石鏡青天誰削玉芙蓉○武林湖波遙接天鄱陽洞庭空渺然此水原從河漢落乘槎近上女牛邊

亳州薛蕙自由山中歸經西湖遇雨○恰向山頭指縈帶旋從湖畔望嵯峨雲輕不隔翠微色雨細

初增綠水波，樹影離離巖際少。鳥聲雜雜霧中
多，未愁沾濕穿花去。更擬春晴載酒過。

應天姚汝循西湖堤上○西湖湖上路，十里大堤
平。雨後飛埃歛，風前歸騎輕。青蒲翻立鷺，碧樹
隱流鶯。今夜江天夢，應先達帝城。

德州程珪西湖○湖行愛山影，藉草靜無風。城闕
波瀾裏，天雲荇藻中。鴈流聲以過，龍氣出其宮。
聞說曾游豫，帆檣上接空。

盱眙李言恭湖上○郊原水竹幽，落日竟淹留。草
色圍僧舍，湖光搖寺樓。親人惟細鳥，信客是輕
鷗。且莫愁封事，相譁得酒籌。

丹陽鄔佐卿湖上○鳧鷖亦自適，人到一驚翻。落
日千山白，澄湖十里昏。亂泉飛馬足，古寺趾雲
根。不道身為客，還疑是故園。

肇慶歐大相曉出玉泉山經西湖○玉泉去作北
湖波，聞道宸遊曾此過。宮殿影山成海市，樓

船泛月向天河。白麟朱鴈無消息。瑤草金芝近。
若何恭紀詞臣誇扈從。琳池花似漢時多。

太倉王衡湖堤。脉脉春沙淨。纖纖暮雨齊。吹花
還擘柳絲盡。短長堤。湖面深淺明。照人影。箇
箇風來動波紋。人影龍蛇過。雨後蚪斗化。新
蒲出鮮水。鷓鴣見誰來。飛飛不可止。上水入
漚魚。下水人種黍。歌聲亦何變。好晴或好雨。
夜踏青龍橋。步步逐流月。月流溪滿門。薄暈

生纖妍。中天耿孤痕。殷殷犬聲裏。燈火見墟村。
失寐得夜氣。平橋坐無言。今夕一何遽。嘆息休

山樊

歙縣潘之恒湖上。何處延清眺。欣然郭外期。就
湖牽水濶。訪寺越山遲。花落朝朝露。蟬鳴樹樹
枝。雨晴風亦細。春色信吾私。

涼州吳惟英西湖長堤。斜日長堤迥。村烟接
帝京。路從溪外轉。人在樹中行。野草石橋短。沙

鷗春水輕，回看游賞地，晴爽萬山明。

宛平王崇簡堤行○山勢蒼茫去，長堤整復斜，仄
厓懸一寺，密樹隱千家，雨際有無日，水邊上下
花，紆紆人影久，高柳不能遮。

蒙陰公光國晚歸步湖上○回首青螺散晚霞，諸
天鐘動梵王家，鴉歸陣陣營堤柳，鷺步矜矜守
釣沙亂水路，迷新雨後，幾林烟帶夕陽斜，撲衣
爽氣清人骨，載酒重來就渚花。

雨後遊青龍橋○平堤萬木蔭莎洲，白社招邀
喜共遊，避溽暑時來郭外，聽流泉響到溪頭，雲
拖雨脚青岑出，風捲禾香碧浪浮，藉草轉尋橋
畔去，源窮又見徑通幽。

溧陽陳名夏西堤道中○宜暑新流濯遠山，夕涼
隨馬道途灣，溪聲次第當村急，人影參差過雨
間，雲霧漸生多歲樹，風霜偏動少年顏，潭龍橋
虎知何在，虛帶青嵐飛鳥還。

內江范文光西堤道上○晴雲吹曉踏春城、山影
隨風盡倒生、可惜遊人塵土裏、馬蹄長帶翠嵐
行。

功德寺

山好下影于湖、靜相好也、湖好上光于水田、曠相
好也、道西堤行湖光中、至青龍橋、湖則窮已、行左
右水田、至玉泉山、山則出已、際湖山而刹者、功德
寺、寺今一塔閒地也、存者門耳、瓦墼燕麥、屋脊鶴
巢、聲假假、餘悲生恐、在當年昏定曉報鐘時也、門
外二、三古木、各三、四十圍、根半肘土外、暘蔭者、坐
差差如兒、如凳、如養和、滑其上、膚及骨、蟲鼠穴其

下亦滑、垤壤巒如、不知幾十國蟻、古幹支日、老葉
鼓風、兩側偃栢、不成葢陰、亦助其響、傍地餘水田、
僧無寺、業農事、每日西睨、山東陰、肩鍤者、鍤掛畚
者、仰笠者、野歌而歸、蛙語部傳、田水浩浩、僧歸破
屋數楹、供一木球、施以丹堊、寺初興時、募使者也、
李西涯記云、寺故金護聖寺、寺七殿、殿九楹、楹以
金地彩其上、宣德中、板菴禪師重建也、師能役木
球、大如斗、輪轉行馳、登下委折、如目脛具、逢人躍

躍如首稽叩、師曰入某侯門、則入募金若干、曰入
某戚里、則入募金若干、宣宗召入、命爲木球

使者、賜金錢、遂建巨刹、曰功德寺、時臨幸焉、成化
中、僧戒靜、以南都報恩寺、文皇曾瘞其副塔、疏
請舟載、置此寺、臺省劾之、不果、然猶建一閣、重簷
疊角、虛堂曲房、爲累朝駐蹕地、世宗幸景陵、經
過此、怒金剛猙獰、命撤毀、

淳安徐貫功德寺○蔥蔥樹色暗溪橋、滿目春光

士女驕林外風暄禽語樂。湖邊日煖水痕消。濃
槐弱柳陰相代。選石評泉隱各招。回首鳳城三
十里。肩輿來往亦非遙。

華容劉大夏尋功德寺失道○最是祇園林木深。
鐘來伊邇路難尋。春郊未了看花事。清楚空聞
隔葉音。酒醒微風雙樹遠。詩成斜日半山陰。相
逢擬就湖邊宿。古鉢分泉浣我心。

長洲吳寬宿功德寺航公房○山下禪堂向晚登。
扶筇一笑有盧能。飯餘蔬筍收齋鉢。供雜香花
映佛燈。漢闕乍違同野吏。吳音無改盡鄉僧。蒲
團穩睡回清夢。風雨蕭蕭撼古藤。

吳縣王鏊遊功德寺○河畔閒閒路改西。人家兩
兩傍山低。雲歸遠岫昏初斂。春入平原綠未齊。
鐘動招提迎老衲。紙飛荒塚哭孤嫠。憑誰乞與
龍亭水。化作東郊雨一犁。

信陽何景明功德寺○昔聞功德寺。今出帝城西。

晚日丹梯近，秋天翠巘齊。荷衰猶映水，樹古曲
盤堤。十里經行地，清沙送馬蹄。○寶地烟霞上，
珠林宵漢間。宣皇留殿宇，今日共追攀。御榻
臨丹壑，行宮鎖碧山。帝城看不遠，時見五雲還。
慶陽李夢陽功德寺○宣宗昔行幸，遊戲玉泉傍。
立宇表巖嶂，開池荷芰香。波樓遞蹙沓，風松奏
笙簧。百靈具來朝，落日錦帆張。萬乘雷霆動，千
巖滅沒光。綺繡錯展轉，翠旗杳低昂。法眷撞鐘

鼓，宮女拭御牀。笙鏞拂兩序，星斗宿巖廊。至
尊奉太丘，國事付三楊。六軍各寔眠，百官守
舊章。巡非瑤水遠，跡豈玉臺荒。嗚呼百年來，回
首一慨傷。鳳騰赤霄暮，龍歸竟茫茫。山風撼網
戶，紫殿生夜霜。退朝值休沐，我行暫翱翔。娟娟
登岸林，慘慘度石梁。廢道哀湍瀉，松栢間成行。
啓顙肅覽歷，過位增悲涼。積久灑掃缺，乳鴿鳴
膳堂。舊時琉璃井，倒樹如人長。神已佐上帝，教

猶托空王鈴磬。颺鳴憂晨昏。禮相將盤遊。非聖
理。揀縱在。先皇。至今朝廷上。不改舊紀綱。

餘姚王守仁夜宿功德寺次宗賢韻○山行初試
夾衣輕脚軟黃塵。石路生。一夜洞雲眠未足。湖
風吹月渡溪清。○水邊楊柳覆茅楹。飲馬春流
上。一亭坐久遂忘歸。路久。溪雲正墮暮山青。

歙縣程敏政自玉泉至功德寺○東風幾日到郊
垌。听草汀蒲已自青。羈客乍來無暇目。野人相

見亦忘形。湖當鷺嶺烟光重。路入龍潭水氣腥。
聞說先皇曾駐蹕。紅雲猶繞玉泉亭。

華州王維楨功德寺遊眺○勅寺百年湖水漬。渚
花汀柳尚秋芬。草迎鳳輦傳前事。柳引龍舟說
異聞。馳道逶迤還鷺嶺。行宮寂寞下鷗羣。太平
遊幸仍今主。波上重看五色氛。

長洲文徵明功德寺○西來禪觀兩牛鳴。曾是
宣皇玉輦行。寶地到今遺路寢。山僧猶及見鸞

旌琅函萬品黃金字。飛閣千層丹漆楹。頭白中
官無復事。夕陽相對說成平。

閩縣許天錫大功德寺○泉以玉名山以金山泉
相際古禪林。月明高下樓臺影。風靜東西鐘梵
音。苔上穹碑春肅肅。草荒行殿午沉沉。劫灰易
見如彈指。獨倚高槐感慨深。

永嘉洪孝先遊功德寺○長松落落寄蒿萊。淨境
空遺演法臺。輦道不聞通紫氣。斜陽猶自照蒼
苔。行看幡影宮中盡。偶發鐘聲象外來。爲問從
前功德水。湖田苗秀野荷開。

太倉王世貞經功德廢寺○古寺逢人語。宣皇
御輦過。散香羣帝下。迎蹕萬靈呵。水束蟠丹砌。
虹垂飲碧蘿。雕梁扶日月。繡障擁山河。果失阿
羅漢。緣空堵窳波。嘶鳴來白馬。剝鑿悵青螺。賜
額苔全卧。殘碑雨自磨。椽龍陰吐甲。壁剝暮揚
戈。佛坐狐禪踞。僧房鳥跡多。化城歸一切。淨土

讓諸魔。函舌驚珠梵。泉音想玉珂。低昂人代有。
生滅竟如何。

亳州薛蕙功德寺○憶昨 宣皇帝。端居大有年。
莊嚴修佛土。功德施人天。龍象山開闢。金銀地
接連。傷心萬歲後。陵谷尚依然。

吳縣蔣山卿遊功德寺○佛宇金銀界。虹蜺落石
橋。苑牆旋薛古。塔影出林高。丹仗留今日。鑿與
想昨朝。老僧諳舊事。拱手說先朝。

延平田一僦扈從 幸功德寺○帝省名山及此
方。曾聞駐蹕自 宣皇。祇緣求瘼勞 明主。非

爲齋心禮法王。靈鷲爭扶雙鳳下。羣黎快覩六
龍翔。宸遊見說詢耕稼。喜起還歌庶事康。

臨武曾朝節功德寺○功德湖堤寺。荒臺馬上看。
金繩月蕩蕩。石礎露溥溥。鐘動他山報。僧耕侵
曉寒。行宮曾氣象。珠藏想鳴鑾。

富平孫丕揚功德廢寺○禪房餘廢壁。客屐損莓

苔破竈。饑鳥集。荒階怖。鴿來。芊芊留竹徑。隱隱見花臺。功德今何在。像殘僧可哀。

應天姚汝術功德廢寺。○繫馬枯楊下。逢僧斷壑邊。龍宮何處是。蝸壁漫相連。禪舍迷荒草。齋厨冷暮烟。惟餘羣鳥聚。似說講經年。

東阿于慎行九月十三夜扈從功德寺因陪李漸菴司寇王忠銘學士登金山寺對月。○玉泉山際石橋頭。扈蹕登臨宿霧收。正惜巖花過九日。

却憐湖月似中秋。樓臺近影滄波出。燈火深迴翠輦遊。連夕尚方傳賜酒。飛觴何幸藉林丘。○屬車颯還倚湖濱。湖畔青山氣色新。為侍宸遊分象緯。因隨仙履上星辰。勾陳影靜千峰月。法界烟銷萬騎塵。莫道秋光寒不禁。溫泉雲樹總如春。

南海歐大任功德寺。○宣皇游豫日。此地六龍回。忍草生馳道。慈雲護講臺。蘆汀仙鷺浴。黍雪御

桃開寂寂還春卉，僧猶望幸來。

亳州朱宗吉功德寺○宣帝曾遊此，諸天下鬢雲、
曇花鸞輦拂，貝葉翠華分。碑跗俱苔蘚，槐根埴、
蟻羣獨餘嵐。氣在向夕結龍紋。

宣城吳伯與經功德廢寺○路傍人指舊藤蘿，曾
護烟霄御輦過。敗壁卧雲丹欲斷，殘碑分雨翠、
全磨。六時幾作隨堂課，四野惟傳蟲語多。門外
寺田僧尚種，無靈園木可如何。

江夏釋如愚功德廢寺○入寺不聞鐘，番番三兩
松荒階。馴鳥雀，廢井誦蛟龍。遺跡傳前代，殘僧
學老農。樵頭無誑事，蚤穀隔林春。

涼州吳惟英阻雨功德寺○青郊莽無際，山遠爲
輕烟。雲氣如奔馬，雨脚低垂天。初來漠林樾，衆
峰一以妍。沙清石色色，滑滑驢莫前。南阡有荒
刹，沙路入山肩。雲薄日欲開，逕此聽新泉。

商城顧中行功德寺○籬豆花猶着，窮荒僧已嘗。

老今閒步嬾。病悔客途長。古寺悲衰盛。春雲怪
顯藏。同游車馬急。獨坐樹陰涼。

玉泉山

山塊然石也。鱗起爲蒼龍皮。山根碎石卓卓。泉亦
碎而湧。汨聲短短不屬。雜然難靜聽。絮如語。去山
不數武。遂湖裂帛湖也。泉迸湖底。伏如練帛。裂而
珠之。直彈湖面。渙然合于湖。蓋伏趨方怒。雖得湖
以散。而怒未有洩。陽動而上。泡若沫若。陰陽不相
受。故油中水珠。水中亦珠。動靜相摩。有光輪之故。
空輪流火。水亦輪水。及乎面水則洩。是固然矣。湖

方數丈、水澄以鮮、深而浮色、定而蕩光、數石朱碧、
 屑屑歷歷、漾沙金色、波波縈縈、一客一影、一荇一
 影、客無匿髮、荇無匿絲矣、水拂荇也、如風拂柳、條
 條皆東、湖水冷、于冰齊分、夏無敢涉、春秋無敢盥、
 無敢啜者、去湖遂溪、緣山修修、听柳低回而不得、
 留、石梁過溪、亭其湖左、曰望湖亭、宣廟駐蹕者、
 今圯焉、存者、南史氏莊、又南、上下華嚴寺、嘉靖庚
 戌、虜闖入、寺燬焉、寺存者二洞、華嚴、七真、洞壁刻

元耶律氏詞也、人曰楚材者、譌、又南、周皇親別墅、
 今方盛、迂而西、觀音菴、菴洞曰吕公、今存、昔吕仙
 憩此、去而洞名也、又北、金山寺、寺今荒破、未廢爾、
 寺亦洞、曰七寶、是諸洞者、惟一華嚴、洞中度以丈、
 丈三之、其六曰洞、可狸鼠相蔽、窺也、徑寺登乎山、
 望西湖、月半規、西堤柳、虹青一道、溪壑間、民方田
 作時、大河悠悠、小河箭流、高田滿岫、低田滿隴、今
 湖日以亭圃、堤柳日以濃、田日以闢、山舊有芙蓉

殿、金章宗行宮也。昭化寺，元世祖建也。志存焉。今不可復跡其址。

吉水胡廣玉泉山○玉泉之山下出泉，泉流縈折如虹懸，却帶西湖連內苑。直下通津先百川。微風時動碧波感，明月夜映清光圓。此中曾見古人影，故碣記得金元年。

安福鄒緝玉泉山○嶂霧岩雲湧玉泉，長流未似瀑流懸。聲驚素練鳴秋壑，光訝晴虹飲碧川。飛沫拂林空翠濕，跳波濺石碎珠圓。傳聞絕頂芙蓉殿，猶記明昌避暑年。

新淦金幼孜玉泉山○宛若垂虹引玉泉，縈縈出澗淨涓涓。細通樹底明初日，遙入湖陰動遠天。魚亂翠紋生雨後，鷗分白浪起風前。流從太液歸滄海，高建恩波下九埏。

永豐曾棨玉泉山○跳珠濺玉出岩多，盡日寒聲灑薜蘿。秋影涵空翻雪練，曉光橫野落銀河。潺

潺舊繞芙蓉殿，漾漾今生太液波。更待西湖春浪潤，尊罍再聽濯纓歌。

莆田林環玉泉山○浮花濺玉落崔嵬，徑出千岩去不回。白日半空疑雨至，青林一道指烟開。月分秋影雲邊見，風送寒聲樹杪來。流入宮牆天漢靜，何如瀛海遶蓬萊。

建安楊榮望湖亭○路傍孤亭顏望湖，湖光非做臨安圖。衆山翠律立檻外，蒼蒼極浦橫葭蒲。玉泉神瀆湧不息，環亭飛瀑流明珠。大石磷磷小齒齒，下馬洗耳塵無污。山高水流望無際，此亭憑眺如乘桴。劃然徙倚發長嘯，水融山結鍾皇都。

鹽山王翺繇望湖亭至華嚴寺○虛亭開窈窕，湖望亦微茫。馬擇垂楊繫，尊移近水張。月光恢岬澗，鐘韻引秋長。酒醒寒仍舊，何應典客裳。

華容劉大夏玉泉道中○晚來聯騎踏晴沙，風景

蒼蒼一望遐，幾處白雲前。代寺數村流水野，人家鶯啼別墅春。猶在馬到西山日未斜，回首不知歸路遠。九重宮殿隔烟霞。

上元倪岳遊玉泉華嚴寺○門外寒流浸碧虛，玉泉山上老僧居。芙蓉雲鎖前朝殿，耶律詩存古洞書。曲澗正當虹飲處，好山相對雨晴初。笑攀石磴臨高頂，浩蕩天風襲客裾。

長洲吳寬飲玉泉○龍唇歎薄淨無腥，純浸西南萬疊青。地底洞名疑小有，江南泉品類中泠。御厨絡繹馳銀甕，僧寺分明枕玉屏。曾是臨幸處，游人誰復上高亭。○垂虹名在壯神都，玄酒爲池不用沽。終日無雲成霧雨，下流隨地作江湖。坐臨且脫登山屐，汲飲重修調水符。塵渴正須清冷好，寺僧猶自置茶壚。

吳縣王鏊玉泉亭○燕山自西來，連峯劃中絕。有泉出其間，終古流不歇。石縫漱潺湲，螭頭瀉幽

咽、飛注、粲成簾、激射噴爲雪、怒聲亦砰錡、靜性
終、昭晰、心情藉沆漭、毛髮歸瑩徹、珠體碎復圓。
玉流方以折、緬懷六龍來、凜若萬象別、天光借
澄明、日影增蕩瀾、幡幢亂山椒、貔貅遍林樾、誰
知百年後、尚睹孤亭軌、悠悠彼漁竿、盈盈者仙
襪、不忍向唾洩、胡能斯厲揭、虎跑慎浪傳、趵突
差可啜、醉破伯倫醒、病失相如渴、衛公遞莫通、
陸子評久缺、何當携一罌、歸洗人間熱、

游華嚴寺○捫蘿陟巘路、嶒嶒熟徑苔、荒久不
登、犬吠林間知有客、鳥啼洞口若無僧、危欄一
覽總堪了、絕頂重來殊未曾、古洞深溫誰氏子、
儼然趺坐對南能、

慶陽李夢陽望湖亭○來登望湖亭、始盡覽歷妙、
布席倚嵒嵌、波望領佳要、巖潭逶隱見、圓浪浴
奔峭、吼嶰百萬閣、日落展光耀、羈縛阻延放、臨
淵羨孤釣、霜寒葭莢白、沙晚鷓鴣叫、吾非阮生

倫于此亦長嘯。

呂公祠○厓涯豁一門，怪石相撐拄，磴訝自吞
呷，白晝亦風雨，陰處汎清泉，積苔蔭鍾乳，往聞
茅山勝，夙慕華陽主，路遐難孤往，一歷十寒暑，
輕車騁心目，小憩偕道侶，茲洞雖人境，固足託
茅宇，惕然我內咎，何爲尚簪組。

茶陵李東陽玉泉道中○日照山山紫翠生，雨餘
秋色更分明，蜃樓出霧東浮海，雉堞連雲北繞
城，舊識郵亭猶問路，漸多僧寺不知名，十年幾
度登臨約，未盡平生吏隱情。

望湖亭○水光山色初經雨，迢遞春風在一亭，
一自六龍飛轡後，飛鳧不復到前汀。

宜興杭淮玉泉呂公祠○驚見呂公洞，水邊解鞵
鞍，側身入地底，偏側頗碍冠，導炬如星明，墜石
如劔攢，魚貫緣曲折，忽俯千丈湍，却步不敢前，
下有龍蛇蟠，腥風起昏黑，颯爽肌骨寒，翻思張

公勝焉得生羽翰五年客京華今茲一奇觀

慈谿姚涑游華嚴寺○都下名多刹巖棲此更奇
華嚴狐鼠洞耶律鷓鴣詞山遠雲如阜沙明日
滿池老僧未厭客借榻且無歸○華嚴分上下
相對構雲菴僧定鐘同候客來磬互參山無殊
翠色地但有泉甘晴雨時時異他峰隔暮嵐

信陽何景明玉泉○行遊金山寺坐愛玉泉名雲
去隨龍女風來動石鯨入宮朝太液穿苑象昆

明去望天河水迢迢萬古情

望湖亭○獨上湖亭望霜空萬里明檻疑天上
立槎是斗邊行雲霧迷山殿芙蓉暗水城先朝
四百寺秋日徧題名

長洲文徵明望湖亭○寺前楊柳綠陰濃檻外晴
明白映空客子長堤嘶倦馬夕陽高閣送飛鴻
天浮野色行踪外人在扁舟落照中三月燕城
花滿地春光都向碧雲東

呂公祠○何時雷雨破幽崖。吐納春雲古洞開。
翠壁欲磨耶律字。石牀會卧呂公來。苦寒四月
留蒼雪。未蝕千年老紫苔。我骨非仙留不得。罡
風吹下夕陽臺。

華州張潛玉泉山○山椒臺殿與山齊。蘿徑逶迤
獨杖藜。自擣松花供濁酒。共分柿葉寫新題。虹
收急雨方回澗。風逐癡雲半度溪。閒步空階春
事晚。飛飛雙燕已啣泥。

德州程珪望湖亭○天畔孤亭敞。憑欄落照穿湖
光。簷漾動。山色鏡平懸。人影隨行處。魚游近藻
邊。何時重此地。結構稱名泉。

亳州薛蕙望湖亭○陰磴穿雲下。雲猶領袖中。蒼
茫玉泉水。望湖亭其東。寒蔓窺我影。荇藻何藂
藂。影動聲在樹。颯然山秋風。

臨清謝榛遊翠巖七真洞○一拳奇秀處。松映石
青青。肅抱冰霜氣。幽含神鬼情。碧天孤鳥下。蒼

壁細雲生、龍去仙何遠、空山鳳吹鳴。

吳縣蔣山卿小憇玉泉亭○山下孤亭好、牕牕當
玉泉、湖光開鏡遠、石榴濺珠圓、水落魚龍見、風
迴藻荇牽塵心、俱此豁靜日、欲如年。

金壇王樵望湖亭○平疇門外春雨遠、寺山邊夕
陽、柳護溪橋輦路、水肥種陸江鄉○一半湖光
影樹、一半湖光影山、四月林中未有林、端黃鳥

關關

祥符高叔嗣華嚴洞夜坐○宴坐樹高頭、馮巖散
客愁、俯聽玉泉響、不上金山流、伐鼓僧堂久、焚
香石殿幽、與君約棲遯、何日更相求。

寧波陳東望湖亭遲唐子○策策下危磴、風前立
小亭、獨游坐超越、屬思臨深冥、野色向人盡、一
湖含暉明、雲開知日處、其上峰遙輕、目送鳥漸
遠、嘹然遺我聲、相感適無謂、于焉觀物情、坐念
所期子、影影塵中行。

臨武曾朝節望湖亭○山前湖水濶山下卽其源
城闕雲霞映魚龍窟宅尊蘋風遙鴈鴛樹靄帶
林園萬乘曾遊此亭猶御道存

華嚴洞○隴北金山口華嚴望裏分涼陰石洞
榻清響玉泉雲勝蹟惟幽事閒僧述昔聞高楊
長藻影送客入塵氛

餘姚沈應文華嚴寺○御道平沙直祗園曲徑斜
荷風翻白葉藤雨落紅花洞古日光澹山荒年

事差 宸遊曾勝蹟長自護雲霞

新淦王孟震繇望湖亭至華嚴寺○不盡觀瀾意
登登達上方臺懸雲外磴洞偃霧中牀水色涵
飛動春容入渺茫回望雙闕藹鐘動佩鏘鏘
金山寺○地入金山勝聯鑣快此登亭荒翠輦
道院靜白頭僧法苑開皇甸神霄揭慧燈平生
無住意何處問南能

盱眙李言恭華嚴寺○郭外見滄州溪頭屢釣鈞

空山盤細路、破壁遶寒流、洞古僧貧卧、花深客
倦留、殿驚巢鳥笑、久不慣人遊。

過金山寺○不必論羈旅、春遊共遠偏、落花中
宿鳥、亂石裏鳴泉、頃頃浮鷗狎、村村綠樹連、不
禁江國思、對酒獨醒然。

南海歐大任經玉泉山亭望西湖○驅馬長堤路、
川原左右經、山泉浮鉢綠、湖草映衣青、積玉生
春礪、飛花過暮亭、十年江上客、烟雨意揚舲、

金山寺○泠泠鐘磬音、金口愜幽尋、溪遶芙蓉
殿、山開蘆葍林、繩牀聽鳥樂、竹杖破苔深、南客
言歸久、郊遊堅此心。

蘭溪胡應麟遊玉泉山○湖亭望不極、渺渺入長
川、仙洞古雲駐、御溝春色連、芙蓉名殿閣、金玉
有山泉、更上遺宮頂、千林起夕烟、

應天姚汝循望湖亭○湖平開一鑑、亭迥復臨湖
山、色遙分蘆、風光絕似吳、暮雲將雨至、水鳥去

人呼、悵悵此歸路、重遊君莫孤、

安陸何宇度望湖亭○孤亭春一望、湖日雨氤氳、
遠岫浮螺影、澄泉湧穀文、青霏鷗舫柳、紅閃鳳、
樓雲、安得凌波棹、飄搖泛夕曛、

□□胡岳松望湖亭○空山秋氣肅、湖色更淒清、
日幻霧腥散、風高雲物橫、渚蒲長短映、汀樹正、
欹平、不寐林中鳥、饑來踏水明、

晚尋華嚴寺宿普光上人洞中○山色鬱蒼然、

寺門春草芊、乳垂花滿洞、珠上玉名泉、漁浦流、
雙月、帝城家萬烟、篝燈遊倦客、慵聽老僧禪、

飲呂公洞○酒熟片時仙、頻傾竟酪然、熟眠巖、
下葉、渴走洞中泉、丹竈冷無火、青山高在天、西、
堤秋自傲、不記客身邊、

豫章胡汝煥華嚴寺○繞繞蒼厓磴、追隨此上方、
千峰凌日起、一水入湖長、遙望 諸陵紫、時驅、
我馬黃、 帝城車騎盛、不更設舟航、

順天劉效祖登望湖亭○爲覽西湖勝來登最上
亭雲生拖練白日出擁螺青葭莖高低岸鷗鳧
遠近汀泉源何所藉佛土與山靈

莆田黃克晦望湖亭至華嚴寺○亭下臨清淺巖
端望杳茫渚蒲穿尚短堤柳意偏長白水搖人
影○青山蘊佛光○飲餘還散步鴻影去何方

金山寺○久客從多病金山始再登過橋波瀾
瀾拂坐石稜稜獨樹巢雙鶴千峰老一僧重來
還幾日爲爾問傳燈

從化黎民表金山寺○一徑入烟嵐僧堂鐘放叅
冥心同塞北招隱在南山水碓喧蓮座蘿衣挂
石龕相逢亦遊者喋喋宰官談○駐錫此峰深
幽期不易尋石泉尊梵行山水曠禪心日送溪
邊影風迴嶺上音浮塵緣未息飄泊忝華簪

內鄉李蔭金山寺○石趾金山寺山平水怒生覓
橋隨澗繞過岸有僧迎柳覆荇苔影池涵澄月

明、逢、幽、不、便、住、深、處、入、峻、崢、

東阿于慎行望湖亭○孤亭斜倚玉泉隈、檻外明
湖對舉杯、一頃玻璃山下出、半巖紫翠鏡中開
雲連閣道籠春樹、雨過行宮繡碧苔、盡說昆明
雄漢苑、無如此地接蓬萊、

上華嚴寺○峰盤一徑入珠林、絕頂憑軒氣鬱
森、磴道松杉晴作雨、洞門蘿薜晝成陰、秋橫城
闕、青山迥地繞園陵、白露深、回首千門車馬路、
翠華前日此登臨、

太倉王衡玉泉山○山氣飲湖青、日夜水泉長、微
風生浪紋、光影石花上、

再遊望湖亭○古刹絢殊采、半存多已亡、獨坐
湖上亭、欲去神徬徨、以彼一掬水、而具虛空量、
埃風暗如霧、受之甘且涼、山氛鼓澤腹、旆旆風
旗揚、去此一春秋、照我鬚髮黃、影影不可停、喟
然歌浪浪、

丹陽賀世壽華嚴洞○古洞何年闢，寥寥象廣除。
每煩遊者問，舊是化人居。鳥突烟中葉，雲迷石
上書。熒然依佛火，僧靜月華初。

新野馬之駿望湖亭○到此峰岡竟，鍾爲水一屯。
磯平苔借面，溪窄柳通根。山月投光影，洞雲照
吐吞。菰蒲覆深曲，路盡不知源。

孝感傅淑訓玉泉山○湖上歸鴉去，鴈湖中暮雨
朝霞。全畫瀟湘一幅，楚人錯認還家。

懷寧劉若宰玉泉○高深歷盡見清靈，渴眼塵胸
夢一醒。翠藻能霜俱石綠，白楊非雨亦烟青。瓢
相掬冷如多味，荷且分香欲半停。細作畫家閒
指點，遠宜秋舫淺宜亭。

景陵譚元春觀裂帛湖○荇藻蘊水天，湖以潭爲
質。龍雨眠一湫，畏人多自匿。百怪靡不爲，喁喁
如魚濕。波眼各自吹，肯同衆流急。注目不暫捨，
神膚疑爲一。森哉發元化，吾見真宰滴。

嘉典譚貞默裂帛湖○樾陰衆泉區非泉泆流也
謾謾樹杪聲乃在重潭下星漚上水天日夜誰
汎灑凡魚不敢遊知有神龍舍坐久增幽森昏
鷓鴣枯瓦

公安袁祈年裂帛湖○蠕蠕泉脉動太古無停時
蟲魚莫能托非但寒不宜聽如驟雨急觀如沸
鼎吹水性怒自得物性擾已虧去此渠暇裕魚
游蟲亦孳

宛平于奕正觀裂帛湖○天與水澹澹水受天之
碧上上自有根來豈傍山隙苻藻蘊沉深衍作
數千尺波眼十百聚騰起如下擲龍此性嚴寒
魚蝦不敢宅坐泉步其流有候爲闔闕

漳州張燮華嚴寺○長日山門不欲關玉泉山下
聽泉浚數行遊騎平沙外一片明湖澹靄間亭
榭舊林非舊主鐘鏡時盛亦時刪話餘少睡伊
蒲熟去貫前村酒未還

江夏釋如愚金山寺○數步門臨水，憑空閣倚山。
佛龕無火照，僧室有藤關。鳥下乘牛背，花開落
石間。寂寥來作禮，坐立洞邊還。

宣城吳伯與望湖亭○扶杖尋微泉，脉茲山徑裏。
幾株無名樹，孤亭靜相倚。泠泠舊草肥，茂茂覆
石髓。涓滴幾以竭，居然畛溝爾。何爲名望湖，望
不見湖水，桃花豈有源。迷其津遂止，空令游者
心。去嘆失來喜。○武林湖心亭畫船當酒市，紅
旗射魚眼，雲紋蕩歌妓。半醒半醉人，各息蘇堤
裏。乃茲破椽亭，斷溝殘石耳。移作龍潭邊，豁眼
待新水。水山稱奇敵，武林或在此。一自言之狂，
一自思且擬。吾足自可移，何必移亭子。

沛縣閻爾梅玉泉山○山橋兩岬盡垂楊，直上峰
巔視下方。雨涸郊原春草白，風多車馬晝沙黃。
宗門有棒分曹洞，貴戚韜弓襍羽郎。入寺無僧
塵滿壁，獨留殘榻自初唐。

廣昌何三省玉泉山○薄言尋水次山下出蒙泉
徑冷光俱碧沙明物盡妍○平溪開草木靜履入
風烟○載酒深深去峰望湖在前

遂寧呂大器玉泉山寺○游集境難僻融融泉自
清危巖牢置屋仙洞俗呼名○旣雨平蕪草無風
落葉聲西山佳一望烟樹暮雲迎

玉泉溪上○秋落與春生○茲泉淵自潔碧荇入
空明行行皆可摘

揭陽郭之奇玉泉山○重陽不似昔年間北地西
來數往還萬物經秋淒作氣一尊壯我醉初顏
月觀松舞鐘聲和霜叩泉根石路艱爲帛爲珠
隨地出入經太液復人間

蒙陰公光國再歷金山諸寺○葛巾藜杖歷空門
每到招提自載樽○過嶺雲藏千萬壑隔林烟沒
兩三村○泉奔古洞冰長結路折層巖晝亦昏日
日登臨搜往蹟時時迷入杏桃源

麻城周之茂玉泉山○莫過麥莊橋堤行源不遙
新春青未入餘雪白難消枝脆饑鳥怯水堅駑
馬驕寒猶看七洞生色在藤條

商城周之綱金山寺○輕陰難定已深春贖酒餘
閒過水濱野柳動搖初着綠林花含吐不辭塵
魚生石影苔文古馬語堤陰草色新日尚高春
容藉坐醉中喧止醉歸人

無錫華廷琳呂公洞○泉周山趾嶺圍崗左右鐘
聲爭夕陽仙自洞居僧自寺雲棲林嶂月棲廊
白頭守火生丹竈黃面隨鐘散講堂不道宦游
茫似海歸玄歸釋也茫茫

華亭汪曆賢將至玉泉○新綠漲天猶吝夏晚花
貪水未歸春路中山氣紛來往乳燕遊絲拂着
人

泉上○晨光初發後默亦識泉生偶見魚行處
真知花影輕清溫資水脉深淺泳山情若助幽

人聽能爲寒磬聲。

夜經玉泉看月○回看雲忽去吾與汝俱留水
夕能形雪林空每喻秋鳥迎清吹發燈向翠微
收漸小寺門月坐知天宇周

